

武經總要



詳校官中書臣閔思毅

編修臣倉聖脈覆勘

總校官知縣臣繆琪

校對官中書臣高中

膳錄監生臣劉禮

欽定四庫全書

武經總要後集卷十六

宋 曾公亮等 撰

占候一

叙曰仰觀天文著在圖籍昭昭可驗者也七曜所行經
星常宿次舍陵犯飛流鬪蝕暈珝背穴抱珥虹霓迅雷
妖風怪雲變氣皆陰陽之精其本在地而上發于天猶
影之象形響之應聲使拘者為之則牽於禁忌汎小數

捨人事任鬼神凡誓軍旅履行陣制勝決于人事參以
天變則虧衄者鮮今以司天少監楊維德等編纂天地
日月星辰風雲氣候之式占候訣分為五卷列于左云

天占

地占

五行占

太陽占

太陰占

陵犯雜占

天占

天裂

劉向曰天裂陽不足地動陰有餘

武密曰天

裂者主地欲分裂

五行傳曰天鳴有聲萬姓勞

形不知驚懼終降惡災此皆亂國之所生 晉元

帝大興二年八月戊戌天鳴東南有聲如風水相

薄京房曰天有聲主憂三年十月壬辰天又鳴甲

午止其後王師敗績

雨血 傳曰天雨血是為天見其妖不出三年起兵

雨石 甘德曰天雨石隕墜地大可一尺如雞子

兩頭銳名曰天鼓所下之邦必有大戰伏尸

隋開皇七年五月己卯雨石于武安滏陽間十

里

雨草 五行傳曰君恡爵祿厥妖天雨草 京房曰火

失其性則有草妖其歲民兵死

雨魚 五行傳曰天雨魚國有兵魚介蟲本於水雨魚

水失其性 漢成帝時天雨魚

無雲而雨 五行傳曰貌之不恭是謂不肅夫雨者從龍而作無雲而雨故書災 隋開皇帝末無雲而雨尋漢王諒反伏誅殺其黨數千家

無雲而雷 五行傳曰雷者天鼓也無雲而雷當有暴兵 隋高祖開皇二十年二月丁丑天無雲而雷 三月辛卯熙州人李英林反遣行軍總管張衡平

之四月壬戌突厥犯塞

雨毛

五行傳曰金失性則天雨毛

隋開皇六年京

師天雨毛如馬駿尾長者二尺餘短者六七寸其

月梁士彥宇文忻劉昉謀反伏誅明年發十萬築

長城衆役繁興兵革不息

雨骨 五行傳曰天雨骨是謂陽息王者德衰政令不

行主有內兵 梁惠成王八年天雨骨于赤鞮其

後國廢兵役並起

雨金 五行傳曰天雨金鐵是謂刑餘國君殘酷好殺

無辜不出一年主兵災 秦獻公八年雨金櫟陽

二十一年與晉戰于石門斬首六萬級隋文帝仁
壽四年諸州造舍利塔時陝州天雨金銀花人以
為佛像祥瑞卒有漢王諒之亂

雨灰 五行傳曰上暴虐無道則雨灰 梁武帝大同
三年天雨灰色黃終有侯景之亂

雨水銀 五行傳曰天雨水銀兵將興失道之君當之

水失其性也

大霧 五行傳曰霧者百邪之氣陰來冒陽姦臣謀上

擅竊主威在天為濛在人為霧 李淳風曰霧氣

不順為陰陽錯亂積陰不解天下分離 陳後主

三年正月朔會大霧四塞人鼻皆辛酸隋伐陳

蒼雲經天 傳曰蒼雲經天下有拔城 後周武帝天

祐六年正月丁卯夜有蒼雲廣三尺許經天自戌

加辰三月己丑齊國公憲自龍門濟河斛律明月

退保華谷憲攻拔其新築五城

雨釜

傳曰天雨釜人相食

春秋晉惠公二年天雨

釜至六年春穆公伐晉是歲天下饑荒人民相食

非時雪

傳曰凡雨陰也出非其時迫近之象 京房

易傳曰夏雪賊臣為賊亂 晉成帝咸和九年八

月成都大雪是歲李雄死

非時雷

傳曰非時而雷賊臣起

雨木米 傳曰上陽弛不下通下陰弛不上達故雨而木

為冰零氣寒木不曲直也劉向曰冰者陰之為木
者少陽貴臣卿大夫象也此人將有害則陰氣脅
木未雨而木先寒故得雨而冰也 一說木冰為
木介介者兵之象

雨鼈 國有兵

雨膏如蟲 將帥敗

雨絲 主有兵

雨墨 多陰謀

雨物非人所見者皆主大兵

晝夜陰晦

傳曰天晝夜陰晦下有陰謀

漢夏侯勝

曰天久陰不雨下必有謀上者

地占

地震

五行傳曰地者積陰主靜若震動陽伏而不能

出陰迫而不能入陰陽相擊地故震動 或曰高

者為谷下者為陵此用小人之咎 李國曰地陰

也法當安靜越陰之職專陽之政故應以震又曰

陰乘陽弱乘強又曰陰背陽則地裂羌夷叛劉向
洪範傳曰地動陰有餘皆下之強盛 梁武帝太
清二年九月戊辰地震江左尤甚壞屋殺人地生
白毛二尺時候景叛逆內外騷動民困歲歉

地裂

五行傳曰地坼裂者士庶分離若裂而有聲天

下不寧四方兵衆其主失國 三苗欲滅地坼及

泉 河圖祕徵篇曰地之裂有臣叛 漢孝和元

興二年五月癸酉古扶風地裂其後西羌寇涼州

名讖

岑彭伐蜀去成都四十里下營有地名彭亡彭
聞之欲移營會日暮是夜彭為公孫述刺客殺
魏太祖圍呂布大司馬楊張救之為其將楊醜所
殺楊醜將陸固又殺醜屯兵射犬有巫誡之曰將
軍字白兔而邑名射犬兔見犬必驚宜急去固不
從明日戰死

山鳴

傳曰山鳴其下大亂商紂末年山鳴為武王所

伐

漢獻帝建安八年長沙醴陵縣有大山常大